



REPÚBLICA DEMOCRÁTICA DE TIMOR-LESTE
GABINETE DO PRIMEIRO-MINISTRO

Diskursu Primeiro-Ministro Mari Alkatiri nian iha sesaun abertura **SORUMUTUK
TIMOR-LESTE HO PARSEIRU DEZENVOLVIMENTU NIAN SIRA**
Hotel Timor, Díli, Fulan Abril tinan 2006, Tuku 09.00

ORAS ATU HAKOTU-LIA

Na'i boot sira

Ita hotu fila hikas ohin loron atu tur-hamutuk hodi koalia konaba futuru nasaun ida ne'ebé nurak liu iha mundu rai klaran. Hafoin liu tiha tinan ida hosi sorumutuk ida ikus liu ne'ebé Timor-Leste hala'o ho parseiru dezenvolvimentu sira, mak país ne'ebé ha'u sente orgullu hodi sai nu'udar ninia Governu nia matadalan, hetan duni progresu boot iha dalan dezenvolvimentu nian. Haree hosi situasaun global, ne'ebé integradu no iha estrutura, mak bele dehan katak iha duni hakat ruma ne'ebé desizivu ba oin, hodi haka'as-an atu sai tiha hosi fatin ida hanesan país kiak liu iha Asia tomak. Avansu hirak ne'e hetan dalan ida deit – katak atu kontribui hadi'a sidadaun timor sira nia moris.

Ha'u husu ba Na'i sira, atu bele husik ha'u temi número balun iha ne'e. Klosan hirak ne'ebé oras ne'e eskola iha Eskola Primária hamutuk porsentu 86,2. Hosi estudante nain rihun 246 hosi eskola públiku, ne'ebé la'os eskola superior, sira nain rihun 19 mak hahú iha tinan lektivu ida ne'e simu ai-han loron-loron, hanesan rezultadu hosi programa-pilotu ida ne'ebé mak Programa Alimentar Mundial mak fo tulun. Eskola Primaria sira haburas-an hodi sa'e hosi 835, iha tinan fiskal 2003/2004, ba eskola hamutuk 862, iha tinan 2004/05; Eskola Pré-Sekundária sa'e hosi 120 ba 129, no Eskola Sekundária sira hosi 55 ba 76. Profesor sira to'o oras ne'e hamutuk na'in 7792 (iha tinan fiskal ida uluk hetan deit na'in 6667)

Haree hosi nivel saúde nian, ami to'o de hadi'a buat barak hodi tau matan ba populasaun nia saúde, ne'ebé ikus ne'e iha indikasaun hanesan: taxa mortalidade kosok-oan foin atu moris nian iha ema 1000 hetan mate deit labarik na'in 88, (iha tinan 2002), no ba sira ne'ebé foin moris, iha ema 1000 hetan mate deit labarik na'in 60; no mortalidade infantil (labarik ho otas to'o tinan lima) tun hosi na'in 125 ba nain 83, iha ema nain 1000 nia leet, iha tinan 2002. Oras ne'e daudauk ami iha mediku hamutuk iha media to'o nain ida ba ema na'in 3400; no kama hospital nian ida ba ema besik na'in 2400. Atu hadi'a buat hirak ne'e, kontribuisaun barak mak mai hosi kooperasaun ho rai Kuba, ne'ebé mak haruka ninia ema mediku na'in 250 (hosi numeru ida ne'ebé ami hatan hamutuk atu hetan ema na'in 300) ne'ebé oras ne'e sira servisu namkari iha Distritu 13 país ne'e nia laran no sira mos hanorin iha Faculdade Medisina, ne'ebé foin hahú, iha Universidade Nasional .

Persentajem hosi populasaun ne'ebé hetan we torneira sa'e hosi porsentu 32,5, iha tinan 2003/04, ba to'o porsentu 37,1 iha tinan ida tuir mai nian (tinan 2002 porsentu 17 deit mak hetan we-mós!). Porsentu tolu-nulu virgula lima mak hetan ona saneamentu baziku.

Haree hosi aspektu jeral, ekonomia país ne'e nian sa'e to'o porsentu 2,3, iha tinan 2005, kompara ho porsentu 0,4 iha tinan 2004. (Ami hakarak koalía deit konaba ekonomia hosi sektor la'os minarai nian). Hosi valor ida ne'e kontribuissaun maka'as liu mak mai hosi sektor agrikultura Timor-Leste nian. Liu tiha tempu maran-dekur tinan 2002/03 nian, tinan fiskal ida ikus liu, hatudu katak agrikultura sa'e maka'as tebes: sektor agrikultura no peska iha PIB sa'e hosi osan dolar hamutuk tokon 81,5 amerikanu (USD), iha tinan 2000) ba hamutuk tokon 105,2, iha tinan 2005 – hosi ida ne'e hetan saldu eksportasaun kafé nian hamutuk osan tokon 7,6 dolar amerika.

Produsaun ai-han nian ne'ebé maka'as fo tiha ona mos kontribuisaun atu hadi'a kondisaun moris timor-oan sira nian, no mós sai nu'udar indikador ekonomia nian, Inflasaun iha rai-laran ki'ik liu, no importasaun sira, tan deit produsaun agrikola hetok aumenta, mak sai menus liu. Ita boot sira bele haree deit numeru hirak aumenta nian: iha tinan 2005 ami hetan háre tonelada 40 no batar tonelada 100 – katak, bainhira kompara ho tinan fiskal ida uluk, aumenta porsentu 19 iha háre no 22 iha batar.

Ida ne'e mak ita bele haree iha ekonomia timor nian. Buat hirak ne'e mak nu'udar faktu. Maibé tuir realidade ita bele halo leitura oinseluk fali, kata ba ema balun, ho responsabilidade, gosta atu fo hanoin mai ami atu bele hanaruk tak “status quo” ida ne'ebé dala barak ami la hatan: ami sei iha indikador ida konaba mortalidade infantil ne'ebé sei maka'as hosi hamutuk labarik na'in 83, iha labarik nain rihun ida nia leet: populasaun besik terço rua mak la hetan we-mós; estimativa hirak la'os formal hatudu porsentu besik 41 hosi populasaun ne'ebé mak sei moris iha liña pobreza nia okos.

Konklusaun, iha duni progresu, maibe la iha ema ida mak ho hanoin ida diak bele hein atu hetan milagre no iha hanoin ida katak ami bele hetan buat ida diak liu tan. Hafoin kedas Restauraun Independensia nian, Timor-Leste “hetan” ema estranjeiru rihun ba rihun “mak tama” no sira mai tulun ami atu bele garante harí instituisaun Estadu foun nian. Ema hirak hosi rai-li'ur ne'e, ne'ebé ho sira nia esperiênsia maka'as, sira kontribui ona atu harí estrutura sira ne'ebé sai nu'udar ai-rin ba soberania timor nian, no sira tulun barak duni ba ekonomia. No sira halo ida ne'e iha fatin-fatin iha paíz tomak nia laran –ita hanoin deit konaba kontinjente militar sira ne'ebé namkari iha distritu oin-oin, ne'ebé mak, bainhira sira han iha restaurante lokal ka sosa DVD ruma iha dalan, sira kontribui ona ho forma desiziva ida atu hasa'e ita nia ekonomia.

Governu ne'ebé ha'u nu'udar nia matadan, nia mak foti sa'e ekonomia paíz ne'e nian hosi zero nia okos. Ita boot sira haree didiak lai, katak ha'u la dehan atu “hamoris fali” ka “hi-as fali” ekonomia Timor-Leste nian, no ha'u la dehan buat ida ne'e ho fiar no determinasaun ida; ha'u la dehan ida ne'e basá atu hala'o jestaun ba Estadu ida sei la iha milagre mak mosu, buat hotu-hotu mai hosi indusaun. No kleur tebe-tebes. Kleur liu fali buat ne'ebé sira imajina no hanoin katak Independensia tau hamutuk ho Demokrasia sai nu'udar Dezenvolvimentu. Uluk la hetan, ohin mos nune'e no aban-bainrua mos sei la

hetan. Tuir Señora no Señor sira hatene katak, uluk iha Timor Leste presija liu mak atu harí Estadu, ne'ebé naksobu-rahun-uut tanba akontesimentu tinan 1999 – ami hetan heransa hosi administrasaun uluk nian mak ahi-kudesak. Hosi UNTAET ami hetan konfuzaun oin-oin konaba servisu. Maibé justisa iha ona nia fatin, ami hetan heransa dame no respeito ba lei. Ami oras ne'e presiju hatur Administrasaun Públiku. Ho tulun hosi ONU no comunidade internasional, ami harí hosi Administrasaun UNTAET nian, ne'ebé ketak malun lós, la iha vizaun ida ne'ebé integrada no sistematika, ne'ebé porsentu 90 direksaun nian ema rai li'ur mak kaer, aliserse hirak konaba Administrasaun ida moderna ne'ebé hetan garantia hosi ema timor-oan.

Labele hanoin katak ida ne'e uitoan deit. Iha tinan tolu nia laran ami hetan buat ida ne'ebé Estadu barak presija lori tinan sanulu resin mak foin bele hetan, no, dala ruma ladun mos: ami iha ona estrutura Estadu nian ne'ebé funsiona ona no ema hetok komprende ona saida mak lei. Ho liafuan badak ha'u hateten: ami iha Estadu. No ami iha Governu ida ne'ebé ami hala'o no tuir eskola konaba governasaun. Estadu ida ne'ebé aprova tiha ona lei hirak barak-barak ne'ebé esensial ba ema hotu nia moris diak iha sociedade nia laran; Estadu ida ne'ebé fo garantia ba sidadaun sira atu bele reklama konaba buat ruma ne'ebé sira haree katak ukun-na'in sira halo la lós; Estadu ida ne'ebé hafoun-an tuir dalan lei nian liu hosi eleisaun hirak ne'ebé demokratiku no iha kbiit atu lori populasaun hodi ba partisipa iha hakotu-lia hirak ne'ebé fundamental; Estadu ida ne'ebé buka atu proteje ema hirak ne'ebé karan-laek no hahí ema hirak ne'ebé luta ba libertasaun nasional; Estadu ida ne'ebé hakarak tau-matan ba jersaun oin nia futuru, hodi bele permite atu ami nia oan no bei-oan sira bele hetan possibilidade atu goza moris hakmatek, bainhira ami promove politika konaba hatene poupa rikursu hirak ne'ebé hetan hosi minarai no gás timor nian. Fundu Minarai Timor-Leste nian, ne'ebé dala barak mosu hanesan “moras mear nia” ba Governu ida ne'e tandeit mundu internasional gaba nia, no Fundu ne'e harí iha fulan Agostu liu ba, hetan osan USD liu ona tokon 507 (dadu hosi loron 30 fulan Marsu), no sei permite atu ami bele aprova iha tinan ida ne'e Orsamentu Estadu nian ida ho valor hamutuk USD tokon 230, hodi la prejudika fundu nia aumentu reseitas ne'ebé kontinua tama. Lós duni katak ha'u sente orgullu basá ha'u bele envolve-an iha negosiasaun ne'ebé difisil maibé ho susessu konaba rekursu Tasi Timor nian no bele konkretiza ha'u nia mehi hodi harí Fundu Minarai nian. Ha'u laran metin katak hodi rezultadu ida ne'e Timor Leste sei la difisil atu hetan objektivu iha hadi'a nivel moris nian ba iha ninia ema rai laran nian. No buat hirak ne'e hotu mosu iha país ida ne'ebé iha ninia karakteristika unika, katak nia la hetan foer iha surat-tahan verba nian konaba tusan hosi rai liur nian...

Hafoin ita boot sira kala hirus uit-oan ho numeru hirak ha'u temi konaba dezvoltamentu ekonomiku no humanu iha Timor Leste, ha'u husu atu ita boot sira bele husik ha'u atu fo hanoin tan ba ita boot sira katak bainhira ita koalia konaba moris-kiak, ita presija haree hosi buat rua ne'e: ida hosi dezvoltamentu sosial no humanu, ne'ebé bele haree iha porsentu ema hirak ne'ebé hetan asesu ba eskola, ba isin-diak, hetan we sulin ba uma laran no saneamentu, ahi elektrisidade, komunikasaun no transporte; no seluk mak konaba rendimentu – karik ema sira la hetan to'o séntimu 55, loron ida, mak ida ne'e hatudu katak sei moris iha liña pobreza nia okos. Maski Estadu haka'as-an tebe-tebes atu ema hotu bele hetan rikuso no servisu, maibé karik populasaun aumenta ba

beibeik liu fali rezultadu hirak Estadu hetan iha hadia servisu publiku sira no ho aumentu ida ba rendimentu total, maibé sei susar atu hateten katak sidadaun sira iha país ne'e hetok moris livre hosi kiak ona

Ita haree buat ida: karik ita kotinua kaer ba taxa kresimentu populasaun nian ho porsentu 3,2 tinan ida, no taxa hahoris nian, inan ida ho oan hitu (iha kazu balun hetan to'o walu) no ita la konsege hasa'e ekonomia ba porsentu 6 ba tinan ida, no haksoit ba aumentu rendimentu "per capita" no hasae kualidade moris nian iha zona rural sira, mak esforsu hirak ita hala'o atu lori país ida ne'e ba dezvoltimentu sei susar tebe-tebes. Ita la bele duvida katak atu lori dezvoltimentu ba Timor Leste sei presija servisu ho sentidu ida katak Estadu la bele mesak-mesak hala'o servisu. Tanba ne'e mak iha loron oin mai iha luta ida ne'ebé mak ha'u nia Governu sei hasoru no sei husu ba kbiit hirak ne'ebé moris iha país ne'e nia laran katak: atu kaer hasoru moris kiak, ita hotu iha rai laran mak sei haree buat ida ne'e hanesan kauza nasional ida; nune'e deit mak ita bele iha esperansa atu hetan rezultadu diak. Mai ita hotu hamutuk mobiliza no organiza sosiedade atu kaer hasoru moris kiak!

Señora ho señor sira,

Tinan ida liu ba, hafoin hala'o sorumutu ida hanesan ne'e hosi Timor-Leste ho parseiru dezvoltimentu nian sira, no ami apresenta ba ita boot sira konaba dalan ne'ebé Governu hili atu bele hakat liubá, maibé iha ami nia oin ami hetan dalan-fukun barak: hosi parte ida mosu kresimentu ekonómiku esponensial hanesan faktor estruturante ne'ebé lori ami ses dook hosi moris kiak; hosi parte seluk, ami iha mos manutensaun ba aktual nível kresimentu, ne'ebé diak ba naran país dezvoltidu ida, maski ami hetan prejuizu bainhira hakarak halakon moris kiak rabat-rai. Ho liafuan seluk katak, bainhira mantém ho prosent 2,3 mak número kiak iha Timor-Leste sei aumenta.

Nu'udar ami nia obrigasaun atu tuir ami nia Planu Dezvoltimentu Nasional, nu'udar dokumentu básiku konaba difinisaun polítika hosi I Governu Repúblika Demokrátika Timor-Leste nian, dokumentu ne'e mak hatudu dalan mai ami: ami la hetan solusaun seluk se lae buka atu Estadu sai nu'udar motor ida, mákina ida ba ekonomia timor nian no atu distribuisaun investimentu nian iha ita nia país ne'e bele fahe hanesan hodi tetu ho investimentu hirak ita bele hare ho matan iha rejiaun sira.

Atu ita bele kontribui ba hamenus número kiak iha Timor-Leste no atu hetan Objektivu Dezvoltimentu Miléniu nian, iha 2015, no objektivu hirak hosi Planu Dezvoltimentu Nasional nian, iha 2020, dalan mak ida deit: katak tanbá ekonomia privada timor nian sei fraku, mak oras ne'e Estadu deit mak bele dudu ekonomia ba oin – hamosu empregu, promove konstrusaun ba infra-estrutura hirak ne'ebé populasaun sira kontinua reklama bebeik tuir lei (estrada, ponte, sentru saúde nian, eskola, enerjia elektrika, be'e mos), no halo oinsá atu sidadaun rihun-ba rihun ne'ebé mak sei moris ho agrikultura subsistensia nian bele tama iha merkadu, ne'ebé besik liu, diak liu tan, atu fa'an sira nia ai-han ne'ebé restu, hodi aumenta tan sira nia rendimentu. Ba ida ne'e, ita tenki buka atu hetan mekanismu ida oinsá rekursu públiku sira bele hetan fatin iha ekonomia atu nune'e bele konsegu kria lalais merkadu ba produtor ki'ik sira iha base

(ezemplu, haree didiak importánsia labarik eskola sira bele han loro-loron, ne'ebé iha ligasaun ho sosa produto hosi produtor ki'ik sira).

Oras to'o ona atu hakotu-lia no ida ne'e deside tiha ona: katak ita hotu sei halo atu ita nia Estadu bele haburas ita nia ekonomia. Favor ida, la bele akuza katak ami mak halo ekonomia timor nian la la'o, tan deit hafutar-an ho filosofia sosializante ida ne'ebé hakarak karakteriza responsável hirak governu país ida ne'e nian. Fundu Monetáriu Internasional ne'ebé la hetan suspeitu no Banku Mundial rasik gaba ona ami tanba polítika ne'ebé ami difini ba tinan fiskal 2006/2007: katak atu kombate kiak iha Timor-Leste, ita tenki hasa'e ita nia ekonomia to hetan liu porsentu nen. Konta hirak ne'e simples hela atu sura: karik ba kresimentu populasional ho porsentu 3,2 ita tau hamutuk ho porsentu hat hosi persentajem kresimentu forsa laboral, ita sei hetan númeru hitu, ne'ebé hakarak hateten katak atu ita aumenta rendimentu total povu nian, mak ekonomia tenki hatudu sinal ida moris tebes. Porsentu hitu mak nu'udar valor ne'ebé ita hakarak hetan. Ba ema barak, katak kresimentu ekonómiku ho porsentu hitu ne'e hanesan persentajem místika ida, hanesan mehi iha rai maran dekur. Maibé ha'u, tan dei ha'u fiar iha ita nia povu nia kbiit no mos ha'u ema ida optimista kedas ona, ha'u fiar metin katak ita sei bele hetan

No oinsá ita bele hasa'e to'o porsentu hitu? Buka aumenta despezas investimentu (hosi capital no dezenvolvimentu). Inventimentu públiku ne'ebé Governu propoen ba Orsamentu Estadu tinan fiskal 2006/07, sae to'o osan dollar tokon 90. Katak aumenta porsentu 75,5. Kuase totalidade hosi despezas hirak ne'e hotu sei kanaliza ba projektu hirak infra-estrutura nian mak hanesan (rehabilitasaun no halo konstrusaun ba uma eskola sira no sentru saúde, Estrada, saneamentu, elektrisidade no we nian), ne'ebé foti kestaun lejítima konaba atu hatene kona ba karik sector privadu timorensen, no liu-liu konstrutor sivil sira, prepara-an ona atu fó resposta ba servisu hirak hetok sai barak liu tan. Tuir ami nia hanoin, katak sektor privadu timor nian sei la konsege, wainhira la serbisu hamutuk ho parseiru sira seluk, atu hala'o projektu hirak hotu ne'ebé Governu, hafoin hala'o tiha análize iha ministeriu hotu-hotu, identifika tiha ona hanesan projektu hirak ne'ebé prioritáriu. Tanba ne'e duni, Governu prepara-an atu aplika iha Timor-Leste prátika ida ne'ebé lori tinan iha Estadu hirak seluk no loke odamatan, liu hosi konkursu públiku internasional sira, ba investidor estranjeiru sira ne'ebé hakarak mai hala'o servisu iha ne'e. Maski nune'e, no tanba ita nia karákteer estrutura nian hatudu hanesan país dezenvolvimentu ida, ita tenki difini ho klaru kondisaun ruma: primeiru, empreza hirak ne'ebé hakarak halo kontraktu ho Estadu konaba konstrusaun sei presija emrega la menus hosi 50 por sentu serbisu timor oan sira nian; no segundu, iha projektu hirak boot, kompañia estranjeira sira tenki halo kontratu tutan ho empreza timor oan sira to'o por sentu 30 hosi valor total obra ne'ebé atu hala'o. Ho ida ne'e ita buka atu garante katak parte boot ida hosi postu serbisu ne'ebé mak atu harí iha Timor-Leste sei simu ema timor oan sira. Serbisu hamutuk ida ne'e bele permiti atu aumenta kbit timor oan sira nian no satan netik osan atau la bele halai sai hosi timor. Bainhira atu asosia ho empreza sira hosi rai liur, emprezáriu nasional sira sei aprende forma foun konaba serbisu, sei asimila téknika foun, sei domina teknolojia foun, sei komprende diak liu tan kona ba izijénsia kualidade ne'ebé diak. No maski aumentu obra hirak ne'e sai nu'udar sinal ida konaba Orsamentu ne'ebé ami hakarak atu apresenta, iha tempu badak nian laran, ba

Parlamentu Nasional, tanba Governu hakarak atu hetan qualidade diak, ami difini tiha ona kritériu hirak ne'ebé rigorozu konaba fiskalizaun ba projektu hamutuk liu 400 ne'ebé ita sei hala'o iha tinan fiskal oin mai. Tanba ne'e mak bainhira iha planu atu halo estrada kilométru 100 ita sei la hanoin rua-rua atu habadak ba kilométru 50 bainhira hakarak hetan qualidade serbisu nian. Diak liu ita halo buat uitoan hodi bele dura, duke halo barak maibe ita tenki hadia bebeik buat uitoan ne'ebé ita harí.

Prioridade ba Ezekutivu ne'ebé hau mak sai nu'udar ninia matadalan atu kontribui hodi hamenus dezigualdade hirak mosu iha rejiaun país ne'e nia laran. Díli, oras ne'e dadauk iha PIB "per kapita" dollar USD 650, bainhira média nasional nian hetan dollar USD 367 - iha kapital hetan rendimentu sorin balun deit hosi Timor-Leste tomak. Kiak iha Timor-Leste laran ne'e haree hikas fali hanesan "moras" ida maka'as iha knua. Ema balun kiak ás-liu iha situaun hamutuk hela fatin ne'ebé depende liu-liu iha agrikultura atu bele sustenta sira nian moris. Ne'e signifika katak ita sei hadia kondisaun sira nian moris, ita sei investe serbisu diak ne'ebé hetan hosi Estadu ba populasaun sira. Hosi ne'e mak parte substansial projektu nian mak ita sei buka ezejuta durante tinan fiskal distritu sira iha foho mak hetan lolós - Díli mak hetan númeru importante liu ba investimentu hirak ne'e, hanoin bainhira la halai se'es kaban ba loron, ne'e mak kuaze populasaun moris um kintu iha kapital Timor-Leste.

Governu nia estratejia mós ho intensaun atu kria sentru efektivu foun atu dada populasaun hosi liur Dili atu kontraria tendénsia migratória iha kapital. Experiénsia lori hosi país balun ne'ebé fomenta sidade média ne'ebé mak iha(hanesan sentru negósiu, merkadu, hospital, serbisu Estadu efikas liu) serve ezemplu ida atu, tuir modelu pilotu divizaun rejional hala'o iha Timor-Leste, ezistencia atu promove vila referénsia katak funsiona hanesan kapital rejional sira mak hala'o progressu. Ita sei atensaun rejiaun lima ne'ebé mak oras ne'e divide hela estrutura organizativa Governu iha vila-referénsia balun sei promove diak liu tan qualidade moris ema nian- sira ne'ebé mak buka hamós sira nia produsu agríkola lalika desloka to'o ba kapital, ne'ebé diak liu mak besik merkadu iha rejional dimensaun natón mak fó garantia lukru lolós, folin natón, ne'ebé lalika atu mai to'o iha Díli, poupa oitoan despeza no tempu transporte nian.

Hosi parte seluk, efisensia habesik investimentu ba sidadaun sira iha zona rural sira mak bele efektua bainhira governu lokal hahú jeneraliza. Ministériu Administrasaun Estatal nian hakarak hala'o dadaun experiénsia pilotu rua iha distritu Bobonaro no Lautém, mak nei-neik habelar sira seluk iha rai laran. ita sei apresenta proposta divizaun administrativa no polítika Timor-Leste, promove hodi kria monisípiu, la'os antes ita atu sei sente ba momós no rigorosa delimitasaun atribusoens hirak ne'e. Karik ita koalia kona-ba desentralizasaun poder ne'e foin tempu poder instituídu no estável mak fahe tiha ona forma rejional. Iha seluk, iha tinan uluk mak tama eleisaun xefe suku distritu 13 - prosessu hala'o tomak hosi Estadu Timor oan. Portantu, agora mak lideransa komunitária hetan legitimidade atu bele reprezenta hanesan propriedade tuir populasaun sira nia hakarak. Ne'e, klaru, lós ona atu labele koalia iha papel sekretáriu Estadu rejional nian, ideia hirak ne'e hau apresenta iha primeira-maun Vossa Exselénsia iha sorumutuk tinan kotuk liu-bá mak iha papel importante obtensaun ezejukan orsamental tuir orden ?? por sentu mak ostenta relasiona ho tinan fiskal tuir mai (dados fulan Feveireu nian).

Importante liu-liu governu lokal iha ezekusaun estratéjia hodi hamenus dimensaun kona-ba kiak iha mundu rural ne'ebé boot. Sei iha apoio papel kapasidade ida atu atrai ema rihun mak moris iha agrikultura tuir ekonomia iha merkadu. Atu bele kontribui ne'ebé bele akontese, Governu hakarak harí lalais Banku Kréditu Rural, semi-públika, hahú asenta mikro-kréditu no prátika bankária, ne'ebé benefisiáriu ba sira akompaña tiha ona iha ezekusaun hosi instituisaun finanseira. Objektivu ne'e, primeiru, atu fó possibilidade hahú assessu kapital balun., mak permite hala'o negósiu ka assessu hamós produsaun, no, segundu, fo kapasitasaun ba ema atu enkuadra iha ekonomia merkadu.

Hasoru kontra kiak ne'e, alvu prioritáriu Governu mak liu-liu fó atensaun espesial grupu konstituídu tiha ona hosi veteranu funu nain sira, sira nia viúvas no órfauns sira. Dezde fulan Novembru, inisiativa Ezekutivu ida ne'e, ema 39 maka komprova tiha ona liu tinan 24 luta iha ai-laran no lafha meius para bele lori vida kondigna ne'ebé merese mai'bé simu hela deit simbóliku subsidiu mensal. Subsidiu ne'e,

Preokupasaun sosial Governu nian ida ne'e, bele haree husi medida sira seluk, nu'udar hau koalia iha hau nia intervensaun ba dala uluk, atu fó refeisaun kente (hahan manas) ida lora-lora ba alunas iha ensinu ne'ebé laós superior, maibé fó prioridade ba ensinu prim'ariu. Daudaun ne'e, estudante hamutuk rihun 19 ne'ebé hetan refeisaun gratuita lora-lora. Ami nia hanoin atu halo boot tan medida ida ne'e, iha tinan fiscal oin mai, iha eskola públika tomak iha nasaun laran, hodi nune'e bele kontribui hó forma ida klara, atu mellora kualidade vida alunas sira nian, alivia mos inan no aman sira nia ekonomia familiar. Hó intensaun ida ne'e duni mak Governu suspende (la selu kaixa eskolar) tiha kaixa eskolar, osan ida ne'ebé família sira teinki hasai fulan-fulan hodi selu professor voluntáriu sira no halo reparasaun ki'ik oan ba edifísiu eskola nian. Iha tinan fiscal ida ne'e, ami halo esperiénsia ida hodi suspende iha fatin balu iha nasaun nia laran, maibé hahú hosi lora 1 fulan Jullu sei hola desizaun ida lolós iha nasaun tomak, hodi nune'e bele tulun mos aman no inan iha sira ne'ebé mak iha oan sei eskola. Iha kazu ida ne'e, labele hola desizaun seluk: wainhira Orsamentu hahú maka'as ona, kustu ba servisu ne'ebé kona-ba edukasaun no saúde sei hetan duni apoiu husi Estadu. Medida ida ne'ebé hodi halo boot tan refeisaun eskolar iha nasaun laran, hatudu nia melloria ruma, iha mos implikasaun ida seluk relevante ba hamenus kiak: haburas ekonomia lokal iha eskola, tulun produtor ki'ik oan sira ne'ebé fornese alimentasaun. Hó prespektiva ida ne'e mak halo parte iha dezvoltamentu ne'ebé hakarak.

Preokupasaun ba espektu sosial sira fó sai tiha katak iha medida experimental seluk ne'ebé adopta ona iha sentru saúde sira no ne'ebé hateten kona ba hahan ba inan sira, ne'ebé produz susuben no labarik sira ho idade tina liman ba kraik. Iha distrito rua mak iha ona funsionamentu ne'ebé alkansa taxa kobertura ida ne'ebé hetan kuase 50 por sentu.

Programa investimentu públiku iha tempu babak sei alarga tan. Iha tinan kotuk liu ba ita admitti tiha atu apela ba finansiamentu Millennium Challenge Account, programa hosi governu norte-americanu fó tulun ba país sira ne'ebé hala'o hela dezvoltamentu, iha momentu ida ne'e ita negocia hela apoiu ida ho osan Dollar americanu 350 millóes ba

Estadu timorense. Karik mak negosiasaun sira ne'e ita hala'o diak, hanesan ita hakarak atu nune'e bele susede duni, ita sei iha tan kapital prinsipal ba atu investi iha area oioin, ne'ebé konsolida ho forsa tomak ne'ebé dezenvolve ona hosi Orsamentu Estadu nian.

Señor no Señora sira

Kuadru ne'ebe ami hatudu ba imi konaba tinan 2006/07 no ba tinan hirak oin mai (tanbá ita hakarak atu mantem ho kresimentu porsentu hitu (7%), bazeia ba investimentu públiku ida maka'as, mak bele prolunga pelumenus to'o tinan 2010) bele hetan sentidu bainhira situasaun hakmatek. Investidor sira, nu'udar imi hatene diak lós, katak sira ne'e ema konservador, la gosta aventuras nem kuadrus polítiku hirak la klaru ne'ebe la hatudu dalan ida ne'ebe mak atu tuir no la hamós koerênsia iha hahalok polítika nian. Ami labele hetan akuzasaun hosi sala ida ne'e, ami nia polítika la'o tuir de'it maski ho susar buat ne'ebé mak Planu Dezenvolvimentu Nasional estabelese ona. Saida mak ami hakarask ne'e klaru tebes. No saida mak dudu ami ida ne'e evidente duni. Hotu'hotu bele lori liafuan ida ne'e?

Ha'u bela hateten ho indispensável satisfasaun katak, iha tinan hirak ne'e, Governu hanesan fautor ba eatabilidade. Mas ke iha balun, ciklikamente, buka ataka nian imajem, no na'in fetu no na'in mane sira bele hahú kosidera pitoresku mai koferênsias hosi doadores, hatudu hó ajitasaun iha estrada, mais ou menus provoka, tebes ema sira ne'e defende anonimamente iha masa ne'ebe manifestam, balun la tuir lei, keta la konnese liu tan atu prejudika Governu lejítimu hosi nian país, afektam Timor-Leste nian imajem ba mundu. Ne'e malefisiu ida ne'ebe labele kontabiliza iha urnas eleitorais. Ne'e a'at ida ne'ebe afekta uluk liu ba sidadaun ba país ida ne'e nian, sira ne'ebe menus favoresidos ba hirak ne'ebe ami kanaliza polítika hosi ami ian Governu: sira ne'ebe kiak liu. Ne'ebe hó manifestasoens ka dezakatus ne'ebe lori hosi grupus marjinais, hodi aproveita situsoens polítikas eventualmente empolada (bubu), sempre iha balun ne'ebe lahare vizaun integrada ida hosi problemas, bele iha dúvidas no iha dúvida nia hanoin atu la mai investe, la mai kooepre, la mai halo turismu iha Timor-Leste. Hodi liafuan ida, ita hotu wain'hira lakon povo ba aksaun hosi sira oitoan ne'ebe buka desestabilizar país, provoka hatauk ba populasoens ne'ebe ladun iha asesu ba informasaun. Ha'u hakaran deit relasaun ba kasu ne'ebe besik hó reuniaun Timor-Leste h'o parseirus dezenvolvimentu tinan ne'e, kestaun militares nain 591 ne'ebe sai hosi F-FDTL, hateten katak prinsípiu maka prevalese tiha ona ni'nian legalidade no ni'ian disiplina. Win'hira Estadu iha tropas profisionais, respeito ba disiplina no ba lei iha nian laran sei iha ida bot liu sira ne'ebe ba servisu militar obrigatóriu, hanesan respeito ba intituisaun hanesan bobar: voluntário ema nian revelas iha iha ninian hakarak livre ba servisu militar maibe iha respeito ba regras ne'ebe usa iha nian an. Iha oras ne'ebe ema hakarak tuir prinsípius hiran ne'e husik tiha la tuir, la iha tan forma seluk atu considera selae hasai hosi intituisaun, kore tiha. Ne'e laos invalida ne'ebe la buka , hò tempu, rezolve problemas ne'ebe alegadamente iha orijem ba nian deskontentamentu. Maibe ida ne'e kestaun ida seluk. Kestaun direitu ba ema ida'idak nian atu defeza nian naran mós no nian razoens. Iha kazu espesifiku, ami rekonnese de faktu iha problemas ba natureza institucional.

La hanesan manifestasaun tinan kotuk ne'ebe organiza hosi elementus hierarkia Igreja Katolika nian, na'in fetu no na'in mane sira iha oportunidade iha oin. Iha loron 19 nian laran ita prende buat barak. Ita nian polisia, hó nian forma exemplar hodi komprta iha tempu ne'ebá, hatudu sai kualidade di'ak liu fali iha média sira nian leten. No parseria ne'ebe tuir manifestasaun hari tiha entre Governu no konfisoens relijiozas oin-oin sai útil ba tempu naruk, ba esklares tiha dũvidas ruma ne'ebe mosu hosi parte barka-barak ne'ebe envolvidas. Maibe sei iha tempu barak atu haslo iha dominiu ida ne'e.

Iha fulan hirak ikus hela markadu mos hosi kampanna descrédito ba rtelasaun hgosi ita nian Códigu Penal, transforma fali hanesan lei difamasaun. Wain'hira ita hein desizaun hosi Sr. Presidente Repúblika, hateten deit katak sira ne'ebe kombat ba lei estruktural ba Estadu Direitu ida deskonhese katak solusaun barak liu agora vigora iha Timor-Leste, hosi via adopsaun hosi Kódigu Penal indonésio, ne'e frankamente liu penalizadora hosi argidu. Wain'hira kriminalizasaun ba difamasaun, Ha'u hateten deit solusaun prekonizada la'os diferenti liu idan ne'ebe hetan vigora iha países barak iha Uniaun Europeia no Eatadus Unidus América no ha'u hatutan, solenemente, katak la'os intensaun hosi Governu atu persege jornalista nem atu halo nonok opozisaun, hanesan balun iha sala ne'e laran , hakarak hateten, halo eko ba opiniaun sosiedade sivil ne'ebe rrepresenta hosi balun deit. La'os no nunca sai inytensaun hosi Governu halo nonok ema ruma. Fórmula ne'ebe hetan hosi Kódigu ne'e kurial liu atu institucionalizar respritu hosi direitus ne'ebe halulik tiha iha Konstituisaun no iha Direitu Internasional ba sidadaun hotu... Kasu ne'e mai hosi seluk fó hanoin nesesidade ba formasaun no regulamentasaun hosi sektor komunikasaun sosial, ne'ebe oin mai merese atensaun espesial ba nível ne'e, ba'sá tinan oin mai sei hala'o eleisoens lejislativas no presidenciais, ne'e preokupasdaun hosi Governu ba komunikasaun sosial sai forte liu sim, mos hanesan responsável

Señoras no señores:

Hanesan mos intensaun ida husi parte Ezekutivu nian, kona-bá kestaun atu kria ambiente ida ne'ebé diak hodi bele dada investidor sira atu tama mai, mak teinki halo mudansa ba sistema fiskal. Sistema fiskal ne'ebé mak ladun mak'as ba investidor sira, ne'e hanesan mos ita halo tranferénsia indireta ida, iha rekursu públiku ba sosiedade no bele reforsa tan investimentu privadu, ne'ebé hafoin halo tiha ezekusaun ba investimentu públiku, sai hanesan motor ida ne'ebé bele ajuda liu tan ekonomia timor oan sira nian. Kona-ba ambiente ida ne'ebé estável no diak ba investimentu, presiza tan lia fuan ida de'it ba instituisaun Estadu nian, hanesan kona-ba sektor justisa, hodi hetan resposta ne'ebé favorese duni ba iha nia área servisu nian. Administrasaun Públika teinki hadi'a nível servisu ne'ebé hodi atende populasaun. Ida ne'e transversal (la ós diretu) ba área servisu Ezekutivu nian, maibé karik la iha justisa ida ne'ebé lolós, klara no la iha deskonfiansa, ita labele harí kondisaun ne'ebé maka'as hodi dada investidor boot sira atu tama mai. Iha sektor justisa nian, ita sei fraku hela, sei kontinua hetan nafatin apoiu husi juíz, prokurador no defensor públiku internasional sira, atu nune'e ita nia tribunal sira bele hala'o sira nia servisu. Tanba ida ne'e, mak ita sei husu nafatin disponibilidade PNUD, Governu Portugal, Austrália, no seluk-seluk tan, atu prolonga hodi fó nafatin sira nia apoiu iha sektor ida ne'e nian, ba tinan balu tan. No mos koperasaun ne'ebé deklar tiha ona husi parseiru barak iha Programa Apoiu ba Konsolidasaun, iha komponente

formasaun hanesan vertente ida ne'ebé mak importante liu. Maibé triste tamba haree ba kapasidade formasaun nian, iha buat barak atu halo no iha kampu ida ne'e presiza iha assisténsia nafatin husi parte parseiru dezenvolvimentu sira nian, maiski iha tiha ona verba iha Orsamentu Estadu, verba ida ne'ebé maka'as duni atu ami bele suporta rasik assisténsia téknika.

Sr. Prezidenti,
Eselénsias:

Ami intervem iha ami nia ekonomia oinsá atu liberta enerjia kriadora. Tamba ami iha rekursu, iha kuidadu tebe-tebes atu ami labele monu hikas ba situasaun ne'ebé mak liu tiha ona, iha períodu emerjénsia nia laran, medidas ne'ebé mak ami hola hodi fó tulun ba populasaun hamosu fali dependénsia foun no hamate tiha enerjia populasaun nian oinsá atu buka ba nia an rasik. Nu'udar ezemplu, projetu ida hanaran, "Comunity Empowerment" la kontribui de'it atu fó kapasidade maibé mos kria situasaun dependénsia iha nasaun nia laran tomak. Hau la tau hanesan kauza ida ba intensaun ne'ebé diak iha baze ba inisiativa ida ne'e. Hau koalialiu de'it ba rezultadu ne'ebé ita la hein atu mosu no atu lebele repete hikas fali.

Iha vizaun ida ne'ebé naruk, bele dehan katak tempu ne'ebé foin liu lalais ne'e, iha tiha kresimentu artifisial no insustentável, hodi halo rekursu ekonomia nian ida ne'ebé la metin, no la iha kapasidade atu kontrola. Hó ézodo/saida espatriadu sira nian no finansiamentu ne'ebé tun liu, halo ekonomia mos tun maka'as. No hanesan riku soin ne'ebé simu husi Governu ida ne'e no hanesan bainbain ajuda oinsá atu bele hamenus no koriji buat hirak ne'ebé sala no halo programa hodi hadi'a ekonomia ne'ebé gradual no sustentável.

Atu ita bele manan funu hasoru kiak ita teinki halo mudansa. Ema labele hela de'it iha uma. Hamutuk fó liman ba malu, hamutuk buka halo esforsu atu halakon duni ida ne'ebé kiak liu, ka husi Nasoens Unidas nia hakarak katak, to'o iha tinan 20015 bele hamenus kiak iha mundu ba metade, nune'e husu ba ema tomak ne'ebé bele kontribui atu muda mentalidade, fó tulun hodi harí no promove dezenvolvimentu nasaun nian. Atu ema tomak bele sente katak apelu ida ne'e kona mos ba nia: organizaun sosiedade sivil nian, membru partidu sira, órgaun sira ne'ebé iha kbit, representante konfisaun relijioza sira nian, asosiasaun sira, no joven tomak. Atu ema hotu-hotu hatene tau ba kotuk hanoin ne'ebé la hanesan – ita hotu-hotu iha hanoin hanesan ne'e, lalika bosok ita nia an, maibé atu kompriende de'it katak importante liu mak atu fó kontribuisaun ne'ebé mak diak liu iha ita idak-idak, hodi buka solusaun ida diak liu atu fó ba ita nia sidadaun sira, kondisaun ba moris diak tuir nesiedade ema ida nian. Iha de'it hipóteze ida: funu hasoru kiak nu'udar kauza nasional.

Obrigadu barak

